

東
鷗
草
堂
詞

序

昫叔都轉東鷗草堂詞介弟季貺太守於同治癸亥
梓於閩中迄今二十餘年印本希有閩板亦不知尙
存否舊有譚仲修序云中州周叔雲抗手竹林之游
躡足承明之選沈詩任筆兼善者渺海內推許于君
無間東鷗詞二卷多其少作白石稼軒去人不遠余
聞之涑人云原稿佳者甚夥此僅十之三耳雖然詞
之必傳不嫌少也因既刻鷗堂臚稿及日記并重刻

此以廣其傳光緒丙戌孟冬金武祥識

東鷗草堂詞卷一

祥符周星譽昫叔著 江陰金武祥滄生校刊

秋千索

壬寅七月初十夜雨有憶

桃笙簾滑啼痕溼金井外幾聲秋蟀雨繁燈花墮瘦
紅記今夜剛初十 沈郎減盡相思骨况又是影雙
人隻一院蕉陰似那時少了箇朦朧月

清平樂

甲辰正月出蘇州城作

金鋪望杏翠被生寒早十里高城雲際小都把愁兒
砌了樽前一醉天涯教人夢斷窗紗想煞東風庭
院月痕黃鎖梅花

賀新郎

咏物分題得女兒酒

一見心都醉笑偏如錢塘蘇小鄉親原是剛趁釀花
天氣好釀出春愁滋味稱貯向銷金帳裏記得蘭陵

曾有箇與盧家少婦同名字荷鋪者爲卿死 女兒
亭外沾春地正江邨美人煙碧夫人李紫有客金貂
初聘得領略溫柔如此看捧出纖纖玉指壓倒梨花
三百輩祇當醜嬌面差相似酣臥也海棠底

踏莎行

丙午春日卽事

珠幙閒垂銀屏慵展櫻桃斗帳金鳧暖綠揚池館閉
春陰卷簾人比東風嬾 睂葉青銷靨花紅斂纖腰

打疊游絲軟懨懨病過海棠時一身都被春愁管

水龍吟

文之兄拈此調爲人題乙未亭讌月圖雄俊可喜
因效其體賦此竝踵原韻同夢西譜

蒼然片月飛來酒波都向青天卷舉杯一笑東南如
此且聽簫管七百年前黃樓吹笛風流未遠看萬荷
香裡魚龍跌宕似睥睨江山宴千載猿愁鶴怨把
湖波傾來重浣紅裙烏帽古今多少星飛雲亂海樣

秋光不判一醉流年潛換待明朝散了阜韉雙腳又
黃埃滿

虞美人

題王雙喜女郎梅花雙鵲執扇同夢西作三闕

退紅簾外香雲曉啼得春都笑鵲兒還比箇人癡喚
起綠窗殘夢說相思泥金喜字偷描徧畫出聲聲
豔渠儂怎道忒多情便是玉梅花也學雙身

萬里春

雙袖畫裏更雙聲同倚盡將來寫入蟾蜍問雙心圓
未無限相思意把青梅西州重寄道甚時卻扇花
前看那人雙髻

浣溪紗

跼跼輕寒度畫樓重簾如夢鶻聲柔落梅雙笛韻蘇
州葉角花梢題徧了新詞密密寫銀鉤更無些地
著春愁

念奴嬌

題夢西詞卽效其體

垂虹背上把君詞一唱萬楓都笑七十二峯眉底綠
擲得全湖杯小天上瑤笙人間牙板聽此都暗了老
龍水底捉來爲譜長調何事脫卻緇袍拈蘆醉臥
人共江山老閒煞斫鯨屠鱉手只辦凋花鏤草千古
詞魂迸來指上拍得青天覺蒼茫此意江南兒女誰
曉

虞美人

月夜聞簾

苔陰露氣濛濛地
人影和花膩
久拋舊事不思量
爲甚今宵心上恁悽涼
紅簫一曲風簾底
吹得春魂起
莫教容易說回腸
月也被他愁作酒般黃
水調歌頭

對月同夢西

陡覺亂峯活
一白立垂虹
老蟾今夜饞煞
跌入酒杯中
醉裏不知天遠
但見酒光月氣
倒卷溼鴻濛
起拍

萬花醒爲我舞長風
薊門酒蘇臺柳廣陵鐘馬頭
只有明月逐我走西東
送了騎鯨人去更向一千年
後照此兩吟蟲夢墮鏡湖綠
洗手弄芙蓉

邁陂塘

題吳江倪又香秀才

寶鏡

白門秋柳填詞圖

最惺惺六朝烟柳生來便恁愁
楚玉簫吹軟秋魂影
揉作半天風絮絲幾許
怎不綰離人但綰離情住
記他歸路認一桁斜陽亂鴉聲
裏紅過莫愁去
待說

起門巷綠陰前度回頭有甚情緒酒邊香誓燈邊夢
除是楊枝能譜天肯否夫肯借柔條穩把雙栖護斷
腸誰訴剩丁字簾前西風瘦燕鳴咽唱金縷

洞仙歌

纔帆收了正雨絲初歇七里香塵熨柔碧看綠楊陰
外樓閣溟濛是多少春睡初醒時節犀帷催喚起
鴛眼慵揉剗機鈴屐向人立檀棧遞完時低項回身
傍嬾坐恁般羞澀又小婢催人去梳頭向鏡裏流睂

驀然偷瞥

前調

呵鈿縮翠坐棗花簾底等鈴斜簪小鵝髻想妝成力
怯換了鸞衫停半晌纔見盈盈扶起 問名佯不說

淺笑低聲暗裏牽衣教孃替衆畔坐隨肩道是知情
卻徧又恁悠悠地也忒煞難猜箇人心笑事事朦朧
者般年紀

前調

深深笑語膩細桃花影削哺金泥護春暝看珠燈出
玳錦匿藏強卻難得隨意猜來都準 起身鬆繡掘

瑣步伶仃釵尾丫蘭顛難禁怯醉泥秋籤親蘸豪犀
替重振牡丹雙髻似欲向郎言又還停但小靨緋紅
可憐光景

前調

荼蘼風軟散閒愁無數吹送青鳧到花步算鴛鴦州
六排作郵籤好細與記箇相思程譜

吳江至蘇計
三十六里

尋春三度也。永福橋、南門閉。枇杷舊時路，小隔又生
疏道罷勝常。更沒些離情低訴。但佯笑兜鞵倚娘邊。
問梅雨連宵別來寒否。

前調

卓金車子接么孃來早。鸚鵡銀籠隔花報。聽纖纖繡
屨纔近胡梯驀。一陣抹麗濃香先到。進房攏袖立
瘦蝶腰身寫上紅簾影。都俏側坐錦墩邊。女伴喁喁
盡背地贊伊嬌。小看悄撚羅巾不擡頭。怎比在家時

更矜持了

前調

猜花輸後露些些嬌慵怯飲瓊蘇繭眉鎖把銀蕉殘
酒笑倩郎分消受這一抹口脂紅腕雁爭擲義甲

唱罷迴簧

豔歌名

蓮箭沈沈月西矧席散點紗鏡臨去

殷勤問明日郎來還麼正風露街心夜涼時囑換了
輕容下樓方可

前調

吳綃三尺屑輕煤初畫錦髻瓊題恁姚冶只花般性
格薄樣聰明描不出留待填詞人寫 翻香么令豔
細字紅蠶鳳紙烏絲替親界譜上女兒青偷拍鞦尖
低唱向黃梔花下好宜愛重薰喚真真辦一片誠心
向伊深拜

前調

閒情新賦把靈犀一點寫入香羅白團扇好羞時低
障浴後輕攏長傍着小小桃花人面 橫塘重寄與

滿握冰蟾比似華年一分欠畫裏說春愁紅錦窠溫
反輸與翠禽雙占倘長得隨伊鏡臺邊便掃地添香
也都情願

前調

離腸一寸化萬千紅豆底事花前又分手便不曾春
去已是無慘况又到深院月黃時候 玉鶯衾底夢
酒雨香雲薄福蕭郎怎消受無計贖珍珠待說成名
可知道甚時能殼便傲倖雙棲也生愁看半搦弓腰

恁般纖瘦

前調

江湖載酒徧青衫塵積玉笛聲中過二七道漂零杜
牧慣解傷春原不爲歌扇酒旗悽悽 惺惺還惜惜
儂自憐花此意何曾要花識一霎畫屏前香夢迷離
儘後日思量無益待提起重來又傷心怕門巷斜陽
落紅如雪

柳梢青

初秋泊嘉興有懷

回首悽然松陵城郭一路寒蟬蒲葉園涼蘋花搖暝
人在秋邊 相思昨夜樽前酒醒後疏揚暮烟對月
心情阻風滋味又過今年

虞美人

九月十六日夜泊雙橋

橋去嘉興六十里

扁舟秋入嘉興路夢逐回波去斷腸名字說雙橋消
受單衾孤燭又今宵 松陰暗轉篷窗悄霜重溪風

曉亂蟲聲緊凍絲絲剛是酒醒人睡月黃時

浪淘沙

五更枕上聞雨又作

酒醒夜迢迢睡又無聊五更月暗雨如潮瘦盡黃花
秋不管儘著蕭蕭金鈿小羅幃紅蠟孤燒黃昏庭
院鎖芭蕉還記那時聽不得何況今宵

虞美人

九月十七日泊嘉興時將由楓涇入滬不經吳門

矣感賦此解

聽風病酒秋江路
笛怨繁花步湖名
空自號鴛鴦
不替流歡夢到橫塘
水西驛下舟重繫
樓閣斜陽
裏蕭蕭紅柏亂
栖雅可是小橋東
去那人家

金縷曲

得素生兄

灑孫

下第書鬱鬱累日被酒臥羅預館

中夢得下字一叶就枕上足成此解寄之

風雨虛堂夜起舞
向荒雞聲裏仰天而咤
潦倒功名

憑一字說甚奇才董賈想獨對孤燈寒地負米艱難
原我分痛黃金滅盡文章價看短劍淚盈把 諸公
競走長安馬誰送爾青衫衰柳騎驢歸也悽絕當年
捫蝨語道只我知君者笑麟閣鳳池都假三萬六千
沈醉後好同營生墻梅花下腸斷句夢中寫

鷓鴣天

席上有伎持寫柳障子乞題口占應之

青眼窺人漫自妍黃金拋得買華年惺忪秋思難瞞

水作弄春光但借煙
嘶馬地坐鶯天長亭回首更
悽然西風一例逢搖落未必靈和勝外邊

浣溪紗

落鐙後二日維舟蟠溪新橋水風凍烟山雨釀雪
孤榜剪燭愴懷舊遊慢賦此解

繫榜蟠門薄霧收水揚風軟曉星流臨溪窗閣看梳
頭癸卯七月自練水歸越忽慢思量成往事可堪

漂泊助新愁梅花細雨過蘇州

清平樂

正月十八日舟中對月有懷

篷窗人悄寒意生如草月與離人同一稿都比前宵
瘦了擁衾嬾炙銀鐙自家和影溫存容易黃昏挨
過明朝還有黃昏

金縷曲

汴塘旅次阻雨題壁卽寄南中兄弟

明日花朝矣尙兀是風風雨雨把人愁死破屋荒雞

孤燭暗打疊一衾鄉思剩布被偎儂獨自想見故園
燈火夜向花前暖酒談遊子待說起怎生睡 騎驢
十載長安市笑依舊青衫短劔勞人身世早歲功名
都道福贏得漂零如此須信道年華彈指種菜箸書
當早計問金門射策干何事再來者有如水

青玉案

春夜宿貽經書屋有懷

花梢細雨悒悒過早夜靜重門鎖繖上鐘時人已臥

悽涼天氣悽涼處院著箇悽涼我
一簾苔霧鶯啼
破兀悄地偎衾坐曉月上牆桐影
殘今宵莫說已經
無夢便有如何作

滿庭芳

春試後小病數日始起至小園行散紅雨霏夕綠
陰釀寒怨別傷春益增無俚

春逐鶯歸人如蝶瘦
怱怱負了流年藥爐香靜扶病
到花前門掩東風人去者殘紅
還有誰憐剩垂柳慊

慙似我和雪壓秋千
深閨當此夕紅簾押月紫佩
橫煙想鎔屏扶枕愁聽啼鴉千萬
今宵早睡好相尋
夢裏憑肩可能倩
胭脂將淚飛向那人邊

翠樓吟

十三夜對月有憶寄王嘯篁丁藍叔

鎖了重門碧梧疏處湘簾夜深猶卷露雅樓定後只
爍與竹聲撩亂單衫小扇想花景吹笙邨家庭院無
人伴冷清清地回廊兜轉腸斷滿地蕉陰靠紅闌

幾摺和誰同看蘇家酒上路正小曲幽坊月暗桂堂
南畔問刻襪香街甚時重見無眠慣鏡窗數盡玉河
新鴈

西子妝

東琴子

溼翠黏衫涼紅暈熾爍在畫簾疏處病懷已是怕黃
昏更禁他者宵風雨西窗人去冷落了梧桐一樹鎮
蕭蕭向殘更訴我恁時情緒 愁無語閒畫爐香寫

就懷人句高城只在雁聲中又溟溟黑雲遮住思君
何許記十里蘆花江路泥秋衾待把夢兒重作

浪淘沙

又見月當頭大好清游浮生何事費閒愁貧到酒錢
無一箇也過中秋銀漢拍天流桂子香浮醉腰銅
笛喚沙鷗三百年來無此樂羽服黃樓

念奴嬌

病起書懷柬一二故人用玉田客中寄友韻

黃花近也嘆年年病臥茂陵秋雨梧酒西風身世感
對此茫茫誰語十口雞豚一官牛馬家國終何補江
關搖落庾郎新賦枯樹眼見下瀝田荒灤西屋破
百事都非故衣食一身猶未辨何況文章千古種麥
東坡煮葵西庵生計馮商取雲門笑指此中大有佳

處

時遊
雲門

沁園春

送海琴遊吳門

把酒淒然歌行路難奉君一觴嘆成名鄧禹笑人寂
寂言愁衛玠對此茫茫狗肆奇材馬坊賤客潦落中
年亦可傷愁無語又孤颿落木吹夢錢唐鬢絲新
點吳霜有落魄樊川十載狂向要離冢上澆他熱淚
伍胥塘畔浣爾愁腸白雁關河黃華風雨定上蘇臺
一望鄉休回首道六朝煙樹一半斜陽

浪淘沙

六曲小屏山杏子單衫笙囊如水玉鳧殘雙燕和人

同不睡商略春寒
香霧溼雲鬟
沙邏慵彈重門深
鎖蟬牆南牆裏梨花
上月花底闌干

東鷗草堂詞卷二

昨符周星譽昀叔著

江陰金武祥澁生校刊

邁陂塘

春晚坐寓園桃花下寫懷

下湘簾綠濛濛處涼雲漸送春暝小桃紅煞斜陽裏
閃得蝶魂無定風又緊看碎糝燕支繡箇春愁影蠻
紗香靜恁負手尋花扶頭中酒又做去年病 蘭閨
裏也有一株細錦橫枝正嵌窓鏡者時料已開成雪

都與茜裙爭靚離夢醒恐一桁珠闌閒煞無人凭將
愁和悶好寫上銀箋倩他燕子寄箇斷腸信

金縷曲

丁未春試落第將歸南中瀕行杜五樓同年

鳳臺

以扇索畫置行篋中久未得報臯月八日泊舟廣
陵纖月依人涼煙熨夢聞鄰舫擗笛聲曼音淒語
振觸旅懷因呼鐙寫墨梅一枝並倚此解寄之安
倩吹笙鬢髻坐向頻華香裏歌也

垂柳揚州驛又客裏忽忽過了落梅時節一縷春魂
和月瘦揉作笛中波折看此夕孤篷江北自碾冰華
和別淚寫相思寄與天涯客酸楚意問誰識 東風
兩度長安陌算剩有殘香似我一般飄泊那倩玉籠
覆翠羽細把者情重說笑減盡青衫愁骨君見此花
如見我道大家風味清寒絕珍重此數行墨

邁陂塘

下第南歸謁文之兄滬上夢西招飲并賦永遇樂

詞命雛鬟歌以侑酒卽席寫懷

恁怱怱槐花夢醒天涯人又歸去漂零滋味嘗都慣
說甚青衫遲暮須醉舞便海樣黃金買得春回否壯
懷休訴且醉臥花邊接籬倒戴把酒醉飛絮 新詞
就分付雛鬟細譜江南腸斷狂鑄琵琶彈得花都怨
只有江雲寒語君看取看煙柳斜陽盡是愁來處歸
心正苦把今夜樽前一襟秋淚飛做越谿雨

前調

同人也是園觀荷夢西邀和此調既歸久思未屬
夜分不寐聞雨聲蕭然因就枕上成此時夢西有
吳門之行予亦將還山陰

便朝朝花邊載酒還能消幾歌舞鬧紅已較頭番減
何況又添離緒愁絕處道水閣風簾人去花誰主殘
香無數但萬綠濃邊涼雲如夢一鷺共秋語 欹枕
裏寂寞疏鐙窗戶暗蟲偏傍人絮客心還比花憔悴
禁得者宵風雨腸斷句待讀與花聽又怕花悽楚問

花能否化一縷秋魂盈盈煙際隨我渡江去

永遇樂

登丹鳳樓望黃浦懷陳忠愍公同夢西素生兄

樓在

滬城東北女牆

上宋淳熙間立

放眼東南蒼茫萬感奔赴欄底斗大孤城當年曾此
笳鼓屯千騎劫灰飛盡怒潮如雪猶卷三軍痛淚滿
江頭陳雲團黑蛟龍敢嚙殘壘登臨狂客高歌散
髮喚得英魂都起天意倘教欲平此虜肯令將軍死

只今回首笙歌依舊一片殘山潑水傷心處青天無
語夕陽千里

念奴嬌

初十夜得素生泰安旅次書賦寄

尺書飛到訝秋聲滿紙淒人心魄客裏思親兼憶弟
極目吳天空闊荒店聞雞亂山躍馬落日孤城黑艱
難行路青衫搵淚都赤可奈負米長貧讀書最賤
受盡天磨折想爾高歌燕市上劔斫唾壺紅缺落木

關河西風碓杵一片歸心裂不知今夜長安多少明
月

前調

十二夜陪月村先生登長洲廨東小閣看月時江
北諸郡縣大水卽事拈前調寫感

月吾問汝照幾家歡讌幾家漂泊剗盡吳山千萬疊
放眼大江南北雞犬荒涼魚龍跋扈烟樹長淮黑戟
門深處此時歌舞如織可笑王粲窮愁賈生痛哭

何補匡時策但得昇平溫飽過說甚杜陵契稷臥看
諸公龍驤虎步隻手回天劫腐儒無用登樓且醉江
月

前調

十四夜乘月至三多橋酒樓是舊與虞卿飲處日
月幾何歡游不再賦以哭之

河山滿目驀驚心又到黃公壚側腹痛一杯遙酌汝
不暖秋墳愁骨世更誰容天胡此醉特造龍蛇厄西

州重過馬搥撞處都折 尙記跛腳狂呼濡頭泥飲
醉舞參軍鵲慙慙都如前日事詎料竟成長別萬種
消沈一身潦倒淚盡西家笛爲君惆悵夜臺可有明
月

前調

十六夜對月讀湖海樓詞輒題其後

髯乎堪恨占詞名一代竟無其匹早歲紅牙添韻事
傳唱六宮都徹宰相衣冠黨人子弟老作梁園客功

名五十馬_吟公已頭白 知否二百年來替人屬我
來與公爭席自寫江南腸斷句恨少紫雲_振笛餘子
徒勞此才不易鹿角誰當折花前清嘯詩魂飛下寒
月

蝶戀花

九月初二夜雨過垂虹橋書感同夢西

細雨愔愔篷背滴篷底羈人自展單衾褶夢又不成
燈又黑亂鴉聲裏天如墨 似酒濃愁無處說待倚

雙鴻遠向天涯覓橋外楊花橋下客可憐一樣傷酒
泊

醉花陰

初三夜泊石門縣微霽見月同夢西

吹笛語兒城下路颿卸明湖樹城上月濛濛城下垂
楊尚溼前朝雨 自檢麝囊鐙畔覩費盡閒情緒無
賴是秋鴻但寫人人不寫人何處

木桑子

舟夜雜憶寄閨人

一更抵死催儂去，纔別湘屏又上吳。
舫搖過垂虹卻，四更掩篷臥聽松陵雨。
熨徧羅衾不放天明愁，要
尋人夢避人。

前調

前年聽雨雙橋下，病酒懨懨悶譜香絃。
疏柳殘燈傍曉天，今宵聽雨雙橋下。
依舊無眠，陡憶從前孤燭，單衾又一年。
丙午九月曾泊此，遇雨有斷腸名字。
說雙橋消受單衾孤燭，又今宵之句。

前調

紅閨只恨蘭宵短卸了殘妝倚遍迴廊月在櫻桃樹
底黃可憐此夕篷窗宿費盡思量挨徧淒涼不信
離家夜便長

前調

連宵只是心情惡孤榜寒鐙睡思曹騰紅葉聲中到
石門想他對坐紅窗下繡幙沉沉私語殘更此際
蕭郎睡未曾

憶江南

重九日泊舟虎林水窗無俚戲與夢西追憶舊游
夏瓶十解

重九節十載住吳門花舫虎邱擔菊市箬籃獅巷買
糕人此景最關心

前調

重九節記得客常山樂墓草黃羣犢健趙祠樹黑怒
雕寒落日井陘關

前調

重九節記住保陽城都市黃羊蒸玉豉津門紫蟹糝
金橙風味醉騰騰

前調

重九節記得住墀門紅柏晚風深巷笛黃花細雨矮
窓燈小院對牀人

前調

重九節記返越谿邊十里青山堆稻路一湖纖月賣

菱船畫出暮秋天

前調

重九節記得住燕京一騎泥金朝看榜兩行銀燭夜
調箏裘馬五陵人

前調

重九節記泊孟吳音作雨城時山榭葉圍詞老宅水荳蔻花

瘦女郎祠吹笛雨絲絲

前調

重九節記得在山塘水閣月晴歌板脆畫船風細繡
鞦香鬢鞦菊釵黃

前調

重九節記得滬城宵翠鉦簾櫳鸚鵡瓊珠燈樓閣鷓

鴣簫夜夜醉紅橋

上海地名

前調

重九節今夜泊杭州閒搯綠棖思往事自指紅葉砌
鄉愁擁被一篷秋

南鄉子

舟夜寄閩人

客榜又天涯翠被鄉愁一倍賒
生怕東風攔夢住瞞
他侵曉偷隨燕到家
愁憶小窗紗寶幔沈沈玉篆
斜月又無聊人又睡寒些門掩紅梨一樹花

祝英臺近

孤館積陰獨居無作黃子芾孝廉

增祿

持曉風殘

月圖便面屬題爰賦此詞以攄歸思

暗潮生織月，暝解榜越江口。脈脈新愁堆上短亭柳。
有人玉笛聲中羅袞如水者，歸夢比鶯還瘦。正得
憇道是芳草吳天何處，回首燭冷香溫滋味儘消。
受可憐落盡桃花春寒孤館，怎捱得酒醒時候。

菩薩蠻

春夜不寐

單袞春冷無人覷，心情只是恹恹地。費盡睡工夫，思
多夢轉無。看看窗紙白，甞了花梢月。酒醒曉鶯時。

金縷曲

孫杉麓

慶咸

同年下第將游汴中索畫梅一幀爲

別并題其上

歡笑眞無幾纔聽得流鶯聲老故人行矣一幅細枝
和淚寫多少酒邊深意也不分空山拋棄獨立自矜
顏色好怎春風翰與閒桃李襟上淚甚時洗 人生
榮落何須計君看我鮎魚上竹冷官滋味藥省蘭臺
吾不願薄宦廿年而已佞及早買田鄉里他日白頭

夏國直 卷一
湖上路好同來結屋梅花底鷗鷺約倩花記

祝英臺近

上海舟次

擘鸞釵寒麝炷說也甚情緒雙漿蘋香又到斷腸處
可堪花外潮生柳邊月落鷺記起別時言語 恨千
縷好與倩箇幺鶯殷勤替探取料得妝臺長是翠眉
聚問他一抹高城攔將人住可攔得夢魂來去

前調

慰愁痕尋夢跡待撇怎生撇記得年時扶病送時節
可憐微雪重門昵人和淚卻剛是仲冬廿七 鎮婁
切何日一舸春江來迎小桃葉翠羽珠鈿重把舊盟
結儘判折了浮名櫻桃花底消受个半生憐惜

鷓鴣天

自奉賢道南橋至葉謝口數十里廬舍幽曠水木
明瑟慨然有卜居之志雜寫小詞六調歸示季子
使讀之恍然如與僕同遊也五月二十六日

路入南橋客思閒
水鄉風景畫圖間
密蘆繞屋渾疑
海老樹遮門便當山

一路皆無山

波似鏡岸如環
清溪

曲折小舟還
歸人暗識村前路
逢著垂楊便轉彎

前調

港子東邊阿那家
籬根白槿亂開花
病翁縛篋籬籬新
竹村女分筐焙早茶
溪百折路三叉
潮回淺草漾
明沙牛亭靠水
無人語長日松陰響
水車

前調

一種陂塘綠可憐板橋低亞不通船蘋花淺水初鳴
蛤槐葉濃陰尙等蟬人不到日如年誰家水閣枕
溪烟蠡窓半拓湖風裏短榻茶香正午眠

前調

水枕拋書睡味長溪行半晌少村莊前灣知有人家
近一徑風來豆粥香藤蔓瓦樹支墻午雞聲裏綠
陰涼開門怪底兒童闢門外枇杷一樹黃

前調

夏至江邨正好嬉老紅生翠一川迷田娘簪帽分秧
去鄉客泥船載草歸溪犢臥水禽啼日斜官路過
人稀一陂野葛花如雪蚱蜢蜻蜓歷亂飛

前調

紅蓼梢頭漲碧波黃瓜涼粉一舟孛菱雞掠食衝門
出花犬隨人泅水過宵雨歇午煙拖橋陰密密轉
松蘿趁墟人散村扉掩一路書聲竹裏多

浣溪沙

篷底燒香獨賦詩
青蘆葉上雨來遲
玉鵝衾薄酒醒時
的的歡期銀燭見
依依歸約錦屏知
不多時別更相思

湘月

玉簪花同素生季貺

青娥試手翦秋痕
洗出幾棱寒玉
十丈瑤堦清似水
飛下仙鬢鈿雀碾
得烟鬆
搓將月輦一搨冰
華綠湘奩
顛處纖纖新樣難學
果然光暈珠翹香
欹晶枕

影彈瓊枝弱風露誰家庭院裏
鬧埽殘妝初浴拾翠人歸墮
釵聲定驀記年時約搔頭慵
整夜涼簾外花落

慶清朝慢

癸丑醉司命日雪後晨起坐東鷗書堂同陳九經

歷在心家弟季貺試茶分韻

饑鶴拳苔凍禽墮竹虛堂似水無人裏
頭兀坐夜來殘雪微晴一卷楞嚴轉罷
黃梅花鞞小窗陰垂簾處

蒲團軟美松火通明 試約西鄰陳九趁閒時料理
湯社茶經寒香石銚騰騰細煮松聲未要玉纖輕捧
一壺春綠養詩心憑相笑淺斟低唱負了銷金

疎影

童二樹先生墨梅

雲皴月灑乍墨花孕出春影都亞縞袂青裘一搦東
風盈盈玉骨堪把鬢鴉憔悴胡沙遠腸斷宮人初嫁
卻似儂入洛緇塵空使素衣侵惹 坐憶西園俊侶

帳吟社散後遺事難語

先生與商寶意太守劉豹君明經輩結社號西園十子

重展冰華卷裏詩魂應共寒香飛下蕭齋殘雪氈
側且細對畫叉吟寫驀冷紅捎破蘆簾牆角野梅開
也

東鷗草堂詞補遺

湘江靜

題湘靈鼓瑟圖

見黃韻珊詞綜續編

廿四芙蓉明鏡展，悵盈盈、鞦韆羅塵，軟銖衣，蹙露瑤絃。
汎月寫紅蘭幽怨，一抹洞庭波，又驚起、楚天新雁。桂
枝秋老，蘋花夜涼，剛人與碧雲遠。北渚遙南浦晚。

寄瑤華鯉魚，誰倩明璫翠羽，相思那處是。黃陵祠畔，
斑竹鎖秋烟，怕難寄、啼紅一翦。跨鸞人去，愁邊空賸，
數峯青斷。

卜算子

此首及下闕並見昉老庚申日記

苔翠畫牆青荷粉生衣白風濛疏簾一縫開時有涼
雲入 荒枕小簾牀睡思清來極誰蹴箏絃喚客醒
窗外芭蕉折

眼兒媚

金門索米可憐儂投筆困書傭新豐市裏天津橋畔
閒煞英雄 休嗤老子龍鍾甚一語謝諸公他年請
看韓王壇上李相軍中

附錄

湘江靜

見黃韵珊詞綜續編

題湘靈鼓瑟圖

廿四芙蓉明鏡展
悵盈盈轆羅塵
輓銖衣
蹙露瑤弦
汎月寫紅蘭
幽怨一抹洞庭波
又驚起楚天新
雁桂枝秋老
蘋花夜涼
剛人與碧雲遠
北渚遙南浦晚
寄瑤華
鯉魚誰倩
明璫翠羽
相思那處是
黃陵祠畔
斑竹鎖秋煙
怕難寄
啼紅一翦
跨鸞人去
愁邊空賸

數峯青斷